

頤
道
堂
詩
選

頤道堂詩選卷十七

錢塘 陳文述 退庵

讀李太白集知杭州曾爲遊跡所經擬營祠宇書寄

錢塘諸故人卽用集中遊天竺寺詩韻

有序

僕嘗疑太白兩至越中吳苑武林皆所經歷獨少
登覽之作前於文苑英華得太白虎邱山宴集序
議與邑人建祠今讀太白集有與從姪杭州刺史
良遊天竺寺詩云挂席凌蓬邱觀濤憩樟樓三山
動逸興五馬同遨遊天竺森在眼松門驚颺秋覽
雲測變化弄水窮清幽疊嶂隔遙響當軒寫歸流
詩成傲雲月佳趣滿吳洲則太白至杭遊覽確有

可徵又杭州送裴大澤時赴序州長史詩當亦是
時所作邇年白香山蘇東坡之祠先後建於孤山
秦少游亦建祠龍泓澗上太白仙才獨缺於丹崖
碧嶂間山靈齒冷吾輩其可謝責哉因書以貽諸
子

嵩山懷丹邱任城起酒樓茲地山水窟挂席曾遨遊蘿薜
蔽孤月松檜凌高秋長嘯弄雲水醉引蒼苔幽白蘇已祠
祀矧君詩仙流結宇傍雲壑遠勝談瀛洲

阮公墩種樹詩

阮雲臺師昔爲浙撫屢浚西湖以資水利積葑數
十畝遊人呼曰阮公墩余謂宜種樹建亭勒碑其

上庶與蘇公之隄並美焉作此詩以寄同志

幾番水底捲雲根
煙外蘇隄合並論
此地倘裁陶令柳
他年應比謝公墩
廣陵花發懷仙館
粵海潮回靖戟門
同是春風舊桃李
好尋遺址護蘭蓀

泛舟太湖過杜圻山訪范少伯故宅遺址

何處青山指杜圻
五湖煙水賸漁磯
十年謀國師黃老一

夕移家入翠微
吳苑更無麋鹿在
越臺曾有鷓鴣飛
此間

定恐人蹤到浩蕩
東游更不歸

少伯蹤跡紀載不同竊計太湖中名山甚多乃獨卜

居杜圻當是暫圖托足旋卽游齊屢變姓名迭更居址以成功不可居烏喙不可與共安樂也慮患之心殆淡於老氏者歟觀其二子使楚則本自有家室夷光旣進吳宮則越人久已土苴置之一舸從遊不特兵燹中未暇及此且亦非避禍者所敢出也吳亡西子自沈見墨子從少伯泛湖見拾遺記樊川詩因之王子年之說固未爲典要耳因

論少伯事
並及之

輓梁山舟學士

耆舊三朝壽百年金門大隱小游仙
松風閣上陶貞白梅樹山中郁太玄
虞褚高名誰並駕葛林勝地有前緣
生平最感喬公語何日清樽酌墓田

輓許周生駕部

宗彥

並呈楚生夫人

江北汪容甫山陰胡稚威漢唐通絕學
吳越重經師北道回車日西園雅集時
韓門同問字宿草有餘悲

君與阮雲臺師同以

乾隆丙午鄉舉講學相友善嘉慶己未成進士出阮師門下復申之以昏姻阮師第五公子婦君女也余初識君於

浙江學使者署西園已未在京師約同南歸不果
論謚黔婁婦能文徐悱妻崔盧原族大王謝本名齊翰簡

輝珠玉簪并易製綈遺書經手定不惜翦鐙題君室梁楚德繩冲泉司空季女博雅能文君詩文遺稿皆夫人手定付梓余子婦汪端爲夫人姨甥女幼失恃爲大人所撫育故及之

天潛山人遺像

知是潛夫是逸民卷中骨瘦尙嶙峋閒鷗性嬾長臨水野鶴心孤遠避人茶甌臥聽雙槳雨草堂夢短五湖春遺文儘付中郎女太息林宗墊角巾君次女端余子婦也

河決中州南岸下注洪湖所淹甚鉅賦此志感

竹塹金隄久宴然無端洪水忽滔天頓令郡國成滄海翻使河渠作葑田經畫旁搜諸史外宣防曾記十年前早籌撫卹勤疏濬莫惜虔衡內府錢

全河南注勢方張驛騎頻聞阻報章上國人言開永定下
游我更念維揚秦郵壩啟流仍急洪澤湖高浪太狂誰省
鄧公當日事一編金鑑讀昏黃

河流南注正警防秋忽改北趨湯溫幾南諸郡截流
阻運是可慮也詩以誌之

茫茫禹跡欲重經二瀆分流勢已成東下蛟鼉多怪物

黃地

見於黑墘民以爲神大吏設樂饗之北來魚鼈是蒼生宣房宮近宵衣切析

木津遙驛路驚我爲雲帆憂轉漕五雲多處是神京

王子卿太守澤於彭城重修燕子樓索詩

美人雲雨換星霜淡巷紅樓又夕陽

地名美人巷

孤塚已無埋

玉地雙棲何處鬱金堂尙書詞賦空珍重節度功名更渺

蒞賴是使君能好事解尋遺趾弔殘香

重九日同石琢堂董琴涵兩太史集鷗隱園餞子卿

太守還彭城

宦海蒼蒞幾白鷗鄴中詞賦憶清游探香籬落寒花晚餞

別園林落葉秋壁上畫圖橫采石

余丙寅出都君寫采石江行圖贈別

尊前

詞賦動黃樓使君應是蘇和仲夜雨疎桐憶子由

齊雲樓輒硯歌

齊雲樓已飛寒煙眼前忽見齊雲輒免葵燕麥久寂寞題

詩尙憶淮張年張王當日開吳苑宮殿參差帶蒼巘一樓

高出子城西鏡中金翠宮雲遠龍飛淮水下平江九五當

陽九四亾一炬紅粧成白骨故宮何處不滄桑殘輒曾伴

秋蟲語猶是當年樓下土飛花尙點太妃墳野草猶生舊

王府君不見唐代天潢鎮此州齊雲舊是月華樓香山別

署璇題字楊柳新詞幾度遊

唐曹恭王建名月華樓自香山治郡改名齊雲

又不

見趙家名將平江郭齊雲又改飛雲閣幾度重修復舊觀

樓前高譙開紅藥

宋治平中改建飛雲閣政和五年莊徽重作齊雲樓後王映陳希沈晔史定之

相繼修葺樓前有芍藥園

此瓶畢竟出張家多少興亡付夢華鐫出微

凹聚殘墨夕陽宮樹吊啼鴉

高青邱齊雲樓詩野鳥飛上女垣啼

鷗隱園送董琴涵太史入都

渭城三疊太匆匆金爵觚稜話未終惜別園林斜日裏懷

人驛路暮烟中梅花春早期乘傳瓠子秋高待築宮前席

倘承宣室問爲言四野有哀鴻

松壺子將有嵩洛之行畱余桂葉書堂度歲除夕話
舊有感

爆竹千門響欲膺鳳城雲樹話觚稜暫爲桂葉堂中客同
證梅花樹下僧餞歲好傾除夕酒燒春有約上元燈遲君
晚縱煙江棹曲港寒多水易冰

庚辰人日桂葉書堂贈松壺子用東坡集中庚辰人
日詩韻

夢繞寒梅溪上村眼中吳越舊王孫相期花事畱吳苑閒
話河聲下孟門爐暖吹猗隨琰臥雪晴飛鵲踏枝翻疎香
掩靄奇礪瘦添寫春燈作上元

桂葉書堂觀松壺子畫梅花作

宦遊不樂思歸田故鄉茆屋西溪邊老梅繞屋正花發明
月入戶生春煙畫手松壺老居士鶴骨瘦損山字肩南屏
精舍壑庵畔前身同證維摩禪君如枯松我修竹彼梅花
者花之仙空山同結歲寒伴枕雲臥石夜不眠一枝寫贈
春幾許疑有翠羽來翩翩君今西行欲何適夢繞少室三
花前草堂人日餞君處松風夜靜停秋絃何年與君遂初
服雪中同放鷗鷁船

題趙松雪爲管夫人楷書琴譜

碧湖天遠泝靈修嘯樹仙人妙跡畱珠字嬋娟珍故紙冰
弦彷彿動高秋屏間竹葉低秋雨莊外蓮花起暮愁我有
鷗波人似玉爲伊重署管公樓

書用宋羅文紙紅印中有
字曰管公樓旁小字曰仲

姬手集蓋道昇鈔書紙也姬人靜初脫簪珥易得之並仿其式鐫板印紙余爲署所居曰管公樓

同松壺子遊蓮涇西院訪南宋古梅作

春風吹香拂女蘿古苔積翠蟠枝柯冰心鍊幹五百載若有人兮山之阿夕陽西下墮煙景明月蒼茫出東嶺月中見樹不見花滿地橫斜動疎影有客移居白下門青山一曲自成村前身合是陶貞白松風聽罷招梅魂此花亦是南朝樹此地擬同陶谷住月華吹雪滿船頭載取寒香入城去

送吳蘭雪中翰入都卽題其香蘇山館詩集

長亭官柳晚煙昏又送公車入國門正始高風餘爾在貞元朝士幾人存禁林紅杏尋殘夢華省蒼苔識舊痕一卷

新詩抵冰雪謝家才語最銷魂

滇中黑龍潭有唐時古梅松壺與余連涇探梅歸爲
余寫作障子並錄舊作於上因和其韻

剗波兩槩尋春來蓮涇西院梅花開酒邊銅笛話昨夢夢
中玉蕊兼瓊瑰歸來磨墨拂絹素腕底有似春風催橫枝
斜出萬玉破疑有新籜驚春雷老榦染出紺綠色鱗鱗石
髮生古苔凍蛟起蟄湘女去海月冷墮蒼雲堆天寶去今
一千載鴉鋤未識何人栽冰霜歷盡換香雪交枝纍纍含
珠胎此地當年近六詔閣羅往事相驚猜潭水清空浸碧
玉龍祠畫靜無纖埃翠羽啼香靄鳥語頗與詞客相追陪
天南一樹寫愁絕參橫月落空低徊點蒼山高洱海遠招

魂桂父何年廻

謂未谷

原作

錢杜

疎香拂拂吹面來
黑龍潭上梅花開
紫雲吹影落波底
碧琉璃浸紅玫瑰
尋山慣騎欵段馬
叩門不許奚童催
道人揖客山院靜
風爐茶沸喧殷雷
老榦盤空見鬚髮
蒼鱗臥地棲莓苔
蟄龍一睡不復醒
鐺笛吹破雲千堆
誰人手攜入靈境
傳聞天寶當年栽
千年劫火燒不死
支離孕結丹砂胎
人生安得如汝壽
古佛含笑天公猜
老夫十日面青壁
放筆自喜無纖埃
山空杳冥天籟絕
枝底祇有山禽陪
夕陽倒射殿角赤
花光人影相徘徊
鶴聲送客入城去
衣上染得朱霞廻

哭林遠峯

傷逝淒涼幾作銘無端雙樹亦飄零遺詩散亂秋來葉弱
女羈孤曙後星水榭清樽曾共醉畫舫殘香更誰聽不堪
畫壁旗亭路七里山塘綠滿汀

內弟龔嬾仙有歸隱西湖之意松壺子爲作湖田醉
牧卷子爲題此詩

嬾仙非仙得仙意臥酒吞花有真味歸夢不離湖上山更
思十畝湖陰田短笛橫吹破春綠不解爲農解爲牧荷鋪
倒騎烏犂牛醉牧之樂同醉侯高冠太袖神揚揚前身合
是王元章卜肆垂簾影松翠今生且作徐用晦嬾仙善卜牧非
牧兮聊避人醉非醉兮全吾真華胥之國桃源春是爲真

逸爲天民蘋雨荷風湖上宅茶竈筆牀湖上客我亦湖山
跌宕人萬花小隱三生石

松壺子將有嵩洛之行以自作行看子八幀索詩誌
別爲題絕句八首

聽風聽水下瞿塘夾岸猿聲嶺樹長回首我睂山畔月半
輪秋影入平羌

我睂山月

一杵鐘聲動遠林齋廚煙出萬松陰何年同入遠公社日
午春潮聞梵音

東林飯僧

紅酣壓樹小園香香滿冰甌帶露嘗日午水西亭子上綠
陰倒地雨風涼

榕陰品荔

蕉林飲啄澹忘歸清絕虛堂綠四圍我亦茶煙有同夢湖

天曠蕩白鷗飛

蕉館夢隱

煙雲蹴踏起風雷騎象蠻天亦快哉一笑碧鷄山下路華

髮龍女捧花來

百蠻騎象

黃陵渡口片帆孤何處新聲唱鷓鴣一夜江城橫玉笛梅

花吹滿洞庭湖

洞庭張帆

萬竹陰陰古殿寒定中香味證蒲團人間宰相尋常事莫

向空山問嬾殘

韜光煨芋

亂山何處響哀笳灞上秋風驛路斜野岸無人霜月落夜

淡斗酒說琵琶

灞陵怨別

酌酒與松壺子別並勸早歸

半世棲遲萬里秋幾番鴻爪雪痕留空餘林壑期招隱又

向江湖託浪游夜雨湘中愁客夢暮雲天際望歸舟憶君
水驛梅花路莫遣春寒犯敝裘

春日小齋宴坐效放翁

何處風絃漢殿箏空齋掩卷數瓶笙落花到地飛還起芳
草如煙踏更生經歲棲遲憐薄宦十年飄泊誤躬耕閒來
一卷思歸引回首西湖樹樹鶯

過墨蘭舊居有感

畫樓塵黯曲闌斜何處迴廊識謝家蘭畹香銷空畫舫桂
林人遠感天涯三生舊夢惟流水二月春陰有落花正是
暮雲孤迥處不堪鄰笛散啼鴉

雲臺師以新刻文選樓詩見寄所錄自丁丑至戊辰

十年之作敬題一首

五嶺峒堯路接天羅浮風雨合離緣音書迢遞逾千里詩
卷光陰動十年感舊吟成飛絮外懷知人在落花前朝天
賦後歸藩去極目春江上水船

大女華姬家在莫釐峯下春日以太湖莼菜見餉爲
賦一首

動我歸心不待秋壻鄉風味餉扁舟飽余晚飯添鹽豉知
爾高堂佐膳羞細雨桃花纔買鱖西風蘋葉待盟鷗六橋
煙水三潭路酒畔題襟憶舊遊

與叔美別逾月矣計程當至巴陵書此奉懷三首

暮郭朝嵐第幾程江山如畫峭帆輕君行應過巴陵道惻

悵瀟湘夜雨聲

草堂舊隱尋陶谷
茆屋前緣夢壑庵
行到巴陵定回首
晚山濃處是江南

弦秋館裏題襟處
淡翠堂前對酒時
巫峽峯高湘水遠
梅花燈下讀君詩

謝曹墨琴夫人書雪鴻小影畫冊

紗幔傳經閱歲年
更勞柔翰燦霏煙
仙人嘯樹聲何遠
美

女登臺態最妍
筆陳圖精推衛鑠
衛夫人名鑠字茂
蘭亭

名重掩郗璿
璿字子房太尉鑠女
工書法右軍妻也
飛鴻乞得簪花格
紫石

香溫手自鐫

桂葉書堂聽雨懷松壺

破曉輕寒襲畫櫺。濕雲如幕捲長空。幾番花事春陰裏，無
數鶯聲細雨中。箏篴雅遊憐水榭，江湖短夢感孤篷。近來
誰伴僧寮聽憶爾，清湘夜燭紅。

雨中過滄浪亭有懷松壺

重陰羃柳幾回攀。人在谿橋宛轉間。潭樹影淡魚夢穩，林
花香靜鳥聲閒。攜來東閣尊前酒，憶到西湖雨後山。惆悵
壑庵招隱伴，清湘孤棹幾時還。

送李繡子大令歸粵東

自我官江左閣，今十五載走馬嘆轉蓬。行魚嗟逐隊，夫子
粵中彥博雅。越流輩文章，昌黎韓禮經。曲臺戴餘事，爲詞
章字字華嚴界。玉堂集羣英，垂紳賜華珮。出宰山水區，銘

心撫凋瘵我昔官禺陽庭樹接公廨尙湖水清冷虞山色
蒼靄公餘輒過從肝膈傾天籟 明詔問海運積弊期拔
薤佐我陳三策圖經證前代秋賦歌鹿鳴人文此邦嚴惜
我舉賓興禮堂飾槃敦與我論文宇班馬合珪玕從我談
詩篇李杜別流派把酒清樽同翦燭臥榻對我材久濩落
君性尤耿介我幸謝網羅君竟墮塵壒寒士青瑣窮大吏
白簡劾獄中寄子由長篇動悲慨仍論城旦春漢律夙所
誠瓦礫珍錦綺珠玉賤草芥張衡賦四愁梁鴻歌五噫君
意殊坦率吁嗟我心痠幸逢金鷄詔天漿沾沆瀣秋期卜
窀穸觸熱歌行邁故鄉南海濱秋潮最澎湃物產多瑰奇
山川亦靈怪巍巍阮尙書華望重海內衆川滙江河羣峯

翊衛岱兩粵百萬戶卿雲底爨黽君籍隸所部不在帡幪
外國中有顏子定識邀眄睠我才久已盡官亦六鵷退歸
夢西溪漁鄉味東園菜何日歸去來田園惜荒蕨城西鷗
隱園往歲詩壇在虛堂面廣池涼雨瀉清快七子行賦詩
期君一宵話

送王子卿郡伯移守贛州

傳唱黃樓賦最工西江移節惜匆匆郡當章貢交流處人
在倪黃列傳中千里征帆君轉舵十年宦海我飄蓬蘇臺
錄別應相憶南浦秋來有斷鴻

月夜憶西湖之游用放翁集中懷鏡湖舊游韻

青天雨過收晚虹明河挂樹秋庭空月華瀉地白於玉涼

露娟娟洗疎竹滿湖秋水開蘋花野鷗招我同浮家晚涼
攜艇采蓮藕更折碧筍供貯酒十年羈宦江南行夢斷西
泠漁篴聲何處簾櫳隔煙水醉臥花間呼不起鷄蟲得失
何足論且邀明月窺清樽朱絃一奏再三歎蕉葉題詩還
自看

樓外

樓外明河絡角斜流螢風急隨窻紗露光漸上青蘭葉涼
意初生白藕花夢裏泉聲幽澗竹枕邊鄉味故園茶墻陰
更轉松梢月贏得歸心上釣槎

雨中

黑雲翻墨暗虛齋無數蜻蜓入戶來翠蓋自搖珠自轉白

蓮花向雨中開

溽暑困人夢坐冷泉亭上飛瀑四注松影滿空夜中
月斜聞猿嘯聲而寤詩以誌之

蒼煙月上窺雲岫飛瀑聲寒秋影瘦身是清涼國裏人不
夢蒼龍夢靈鷲冷泉亭子池上橫碧水靜與紅闌平山痕
映松松映水一片苕蕖交空明三更以後月華白萬斛秋
濤響空碧林外青猿嘯夜淡何處玉壺三澗雪

月夜讀松壺子湘中詩

聽罷松風夜月涼卷中清氣卽瀟湘雲山有約盟前世煙
水多情夢故鄉仙樂自成空外響天花不作世間香詩人
莫比巢居閣屈宋孤懷一種芳

夢中爲瀟湘之遊醒而作詩誌之書寄松壺

湘之水兮潺湲湘之山兮邈縣湘之花兮芳菲湘之人兮
嬋娟生平不識瀟湘路夢中忽見瀟湘樹桂旗蘭佩芙蓉
裳曼鬢娛光獨延佇二妃凝望悲九疑黃陵廟前啼子規
湘瑟無聲白雲冷數峯雲際青參差若有人兮感遲暮微
波瑟瑟浮湘去湘人何處折湘花斑竹啼煙蘭墜露

新秋過鷗隱園有懷

飄零塵海幾閒鷗來過芳園話舊遊花氣涼生千點露樹
陰疎帶一分秋名場壁壘人俱遠琴涵官京師
松壺客中州宦海帆檣
我未收更憶南歸庾嶺客計程應過岳陽樓謂李
補子

秋夜坐月聽山中故人話西湖舊游

夢繞西泠處士梅聽君才語覺心開眼從雲水光中洗人
自清涼國裏來松葉陰濃古林壑蘋花香澹舊池臺月華
如雪山如黛高枕何妨夢一回

雨中懷李繡子

劒門石上題名處畫舫尊前錄別時歸路蒼茫雲疊疊離
情惆悵雨絲絲青山香雪梅銷嶺涼月煙波桺毅祠若遇
琅嬛煩寄語秋來閒寫秣陵詩

得裴之上海書

淞波如翦欲生煙江郭啼烏夜泊船浦樹雲疎星漸出海
門潮上月初圓嘗淡客況應無味寫到家書定不眠知否
重闌遠相憶閒庭風露小窻前

書阮雲臺師望遠鏡中望月詩後

明月蒼茫出天頂佛言大地山河影豈知別自有山河不
是圓規收外景我師博物同張華泰西絕學稱專家測圓
不讓利瑪竇緯候能識歐羅巴寄我新詩飛鳥驛紙上秋
光動圓璧云有窺天尺五筭曾見月輪窺月魄月是何物
古所名青天一鏡長晶瑩上下何以有弦望晦朔何以爲
虧盈清輝望入雲漢處秋影婆娑寫喬樹相傳七寶所合
成修者八萬七千戶豈知月體同地維徑四之一數有奇
相去四十八萬里昔者所聞今見之月中見地亦如月一
樣山川與城闕此言真可破洪荒不比諾皋矜恍惚因思
結璘當是月中帝子名廣寒卽是帝子之宮城吳剛宋無

思月中公與卿桂華與蟾兔動植皆精英寒質素娥侍從
輩霓裳紫雲歌吹聲其境必清曠其人必聰明其中六月
定無暑金風玉露稱瑤京 本朝西法通奇術靈臺有客
窺天質峯巒下垂色黃赤頗疑沙石相縈結星宿都從隙
處行有時隱蔽還復出始知補天之說非荒唐辛苦女媧
親煉石銀河亦是無數小星所結成秋氣蕭森光發越凡
此高談古未聞人間空解占雲物君得此鏡從螺舟窺天
爛爛睜雙眸從此渾儀銅器外談天別增考異郵太陽不
知作何狀有無駿鳥三足扶桑洲梅花驛使倘相寄我欲
從之窺日毬

原作

阮元

天球地球同一圓風剛氣緊成盤旋陰冰陽火割向背
惟仗日輪相近天別有一球名曰月影借日光作盈闕
廣寒玉兔盡空談搔首問天此何物吾思此亦地球耳
暗者爲山明者水舟楫應行大海中人民也在千山裏
晝夜當分十五日我見月食彼日食若從月裏望地球
也成明月金波色鄒衍善談且勿空吾有尺五窺天簫
能見月光淡淡白能見日光不射紅見月不似尋常小
平處如波高處島許多泡影生魄邊大珠小珠光皎皎
月中人性當清靈也看恒星同五星也有疇人好子弟
抽鏡窺吾明月形相窺彼此不相見同是圓闔光一片
彼中鏡子若更精吳剛竟可窺吾面吾與吳剛隔兩洲

海波盡處誰能舟
羲和敲日照雙月
分出大小玻璃球
吾從四十萬里外
多加明月三分秋
地球大於月球四
倍相距四十八萬
里餘

偕友人泛舟黛影湖並至白公祠小憩

黛影湖波浸暮霞
蕭蕭落葉感啼鴉
山中澗壑開新徑
水上林亭識舊家
秋氣乍來蘆欲雨
天香微動桂將花
重遊更約吹簫侶
來倚吳軒玩月華

八月初十夜聞落葉聲書感

何處風聲又雨聲
舊遊回首古長城
欹湖露冷宮槐陌
斜谷煙疎細柳營
目斷翠華悲夜永
夢回金殿覺秋生
年年餞飲諸藩地
萬樹仙園輦路平

十一夜對月

素魄依然暈太清
閒階涼影自空明
幽花泣露淒迷色
旅鴈啼霜斷續聲
塞上銀河秋萬里
回中玉帳夜三更
如何重壁臺前路
不照瑤池八駿行

秋陰書感

黯黯長空羃遠林
迢迢清響急疎砧
煙中黃月光初斂
花外銀河影漸沉
斑竹痕多秋雨細
蒼梧天遠暮雲深
烏灤河上遊蹤在
賦罷長楊淚滿襟

中秋夜對月書寄阮雲臺師百粵

畫闌涼影轉疎桐
華月盈盈桂苑東
玉帳更番秋夢遠
瓊樓何處夜雲空
山莊寂寞銀河外
原廟高寒白露中
記得

昔年吟讌夕攀髯無地說遺弓

夜雨不寐

一夜淋浪響曲阿夢回涼簟感鳴珂青山鐘磬停雲暗玉
澗松杉濕翠多宮井鴉啼花泣露鼎湖龍去水增波不堪
重讀愁霖賦華髮蕭騷兩鬢皤

夜泊楓橋聞寒山寺鐘聲

雲外飄來一杵鐘清霜澹月伴征鴻景陽秋早銅堦冷長
樂宵淡翠殿空何處尙畱金粟影有人曾賦玉華宮孤舟
夜半寒山寺落盡煙江萬點楓

秋桺

半拂郵亭半野塘半經殘雨半經霜御溝蛩咽淒寒水官

道鴉啼弔夕陽尙有屯田營細柳更無車騎獵長楊西風
吹冷靈和殿落葉蕭蕭滿苑墻

夜聞梵聲

鶴警蛩悵悵未眠泠泠仙梵響遙天旃檀林外花飄雨彌
勒龕前果證禪碧落旌幢停夜月翠微鐘磬墮秋煙曼殊
先後因緣在回首清涼讚佛年

野人送菊

桐萎荷枯水榭涼繁枝滿眼擁書床屏間影盱今宵月籬
外寒驚昨夜霜香繞銅池明鋤翠花承玉輦映袍黃祇今
芝徑雲隄畔露泣秋英冷夕陽

芝徑雲隄在避暑山莊湖內

題玉婷女史秋荷團扇

賸有殘香伴白鷗凌波小影寫離愁夢尋瓊島瑤臺路人
憶金鰲玉螭遊冷到莓苔閒畫舫飄來桺葉滿粧樓翠華
一去無消息零落紅衣水殿秋

寒碧山莊池上見歸燕

回首金堂伴侶稀西風消息到烏衣涼生叢桂閒山館人
倚垂楊舊水扉漢殿春歸泥乍落茂陵秋早葉初飛珠樓
簾影知多少一夜新霜滿翠微

日暮登樓見歸鴉有感而作

點點愁心下野塘飛飛歸路入斜陽涼風繞樹秋初覺寒
月窺巢夜未央官柳暝煙新驛路禁鐘春雨舊宮牆觚稜
樓閣樓遲處聽爾驚啼萬瓦霜

雨夜聞鴈

細雨燈花照酒盃，驚飛何處鴈聲來。
衡陽落月人初遠，遼海孤雲客未回。
菰米波寒青雀舫，蘆笳霜冷白龍堆。
不須更問雕祠祀，汾水秋風一樣哀。

月夜聞鶴唳聲

長唳清秋振羽翰，松花如雨落瑤壇。
飛尋華表雲俱遠，話到堯年雪倍寒。
上苑風迴凋玉樹，高臺露冷泣金盤。
月明涼夜空同路，仙驥還應伴彩鸞。

吳下遇梨園舊人

露盤何處問銅仙，記得相逢繡嶺前。
曾按新聲依禁地，偶聽殘夢話鈞天。
苑城春柳低朝雨，宮井秋槐暗暮煙。
譜到

開元羽衣曲祇應腸斷李龜年

靈巖眺望

屐齒蒼苔石路斜
琴臺煙樹屨廊花
吳宮葉落翔歸燕
蕭寺鐘殘散暮鴉
萬疊雲橫悲遠道
九疑天暗泣重華
白檀山畔烏桓道
極目霜寒咽戍笳

畫屏懷古詩

余幼耽元靜長厭塵氛
徒以匏繫之累客京師者
八年羈宦江左者又十五
易寒暑今年八月二十
七日犬馬之齒五十矣
迺尋古來中心嚮慕之士
乞松壺七薌繪諸屏幃
雖不能至心嚮往之亦圖
畫僑札意也各系以詩

吾愛魯展禽抱和復秉直和以風百世直乃仕三黜雅量
貞坐懷至人知好色

吾愛楚莊周小隱漆園吏觀魚會物情夢蝶得仙意一卷
南華經秋水渺無際

吾愛老萊子耕稼娛親顏學作嬰兒啼舞綵何斑爛笑卻
楚車騎攜妻入溪山

吾愛向子平隱居世緣謝易理悟損益人事畢婚嫁相從
五岳游復有禽子夏

吾愛嚴子陵煙波富春渚垂釣謝故人偕隱攜仙女山高
而水長清風自千古

吾愛黃叔度雅量貞嚴阿倨傲折込角鄙客銷萌柯不清

亦不濁汪汪千頃波

吾愛龐德公峴首棲林扉移家入鹿門白雲淡翠微揮手
謝塵網冥冥孤鴻飛

吾愛高文通鳳公車謝徵召脫巾化兵門流麥忘雨暴讀
書西唐山終身隱漁釣

吾愛管幼安潛德緬高致浮海行禮讓還郡謝名位皂帽
與木屨小物見貞粹

吾愛孫公和登來往宜陽山投水解無恙用火期不然長
謝嵇阮輩讀易撫七絃

吾愛劉子驥

驥之驥

采藥登衡山山中兩石困仙藥應延年

武陵更問津一往桃花源

吾愛王右軍高風冠東晉
經濟謝時名棲隱出天性
一卷蘭亭序臨池結幽興

吾愛陶淵明託興惟酒盃
桃源忘魏晉蓮社期宗雷
作吏不稱意長歌歸去來

吾愛張季鷹長嘯秋風起
思歸聊託興意不在菰米
蒼蒼雲間樹寂寞隔煙水

吾愛葛稚川著書最博雅
卜居湖上山初陽照古瓦
他年我南歸買宅葛嶺下

吾愛宗少文澄懷臥觀道
四壁青山多撫琴響幽操
高士

愍孫賢解寫蘇門嘯

謂少文孫測

吾愛褚元璩雲樓復木食
久從白雲游借訪虛蘿薜
我亦

頤道堂詩選卷十七

三

錢塘人窺煙憩松石

吾愛陶通明華陽稱隱居高臥三層閣靜擁萬卷書閒來
聽吹笙松風滿空虛

吾愛阮士宗

孝緒

可聞不可見鹿床一精舍居士性何狷

流觀七錄書第一高隱傳

吾愛司空圖避世王官谷詩品二十四佳語殊可讀聞有
女家人鸞臺皎如玉

吾愛盧浩然內殿辭諫議嵩山美林壑蘿瀑隱煙翠棲隱
任徜徉草堂書十志

吾愛張志和高隱出天賜白鷺破煙飛西山澹空翠樵青
解煎茶中有江湖味

吾愛李青蓮竹溪稱六逸醉詠沉香花一舸下采石觀瀑
入廬山長嘯動秋碧

吾愛孟襄陽澹泊守吾素長安亦暫游終謝塵氛去夜歸
鹿門山月照開煙樹

吾愛王摩詰中年悅禪靜輞川好山水風漪淪百頃彈琴
幽篴中明月照秋影

吾愛韋蘇州清詩敵王孟少年事游俠老去耽嘯詠掃地
與焚香此中有禪定

吾愛元次山汗漫招酒徒閒寂居退谷蕭散游杯湖湘南
有遺跡斷壁埋寒蕪

吾愛白香山作宦如游仙聲伎與詩酒隨遇皆欣然一編

長慶集三復池上篇

吾愛杜樊川高才屈書記原衛與罪言未肯掩經濟揚州月二分竹西聽歌吹

吾愛陸魯望江湖署散人甫里聽寒雨笠澤飛孤雲筆床與茶竈烟江伴垂綸

吾愛邵堯夫平世樂澗阿一卷擊壤集數間安樂窩梅花見天心方寸涵中和

吾愛蘇和仲塵世如浮鷗聯榻聽秋雨四海一子由踏雪看梅花還作笠屐遊

吾愛米元章書法擅高格高坐海岳庵長嘯江天碧何物堪自娛袖中三品石

吾愛林君復巢居託西湖梅開水亦香鶴歸山不孤茆屋
傍青山我亦西溪漁

吾愛姜白石新詞得琴趣吹簫和小紅行盡松陵路昨過
西馬塍屋角紅梅樹

吾愛王元章畫梅得梅趣倒騎烏犢牛吹笛松陰去極目
雲門山煙淡不知處

吾愛倪元鎮翰墨稱三絕焚香避塵氛洗桐表孤潔梁溪
拜古祠一樹梅花雪

吾愛趙凡夫隱居在寒山相攜仙眷屬嘯傲煙霞間坐對
千尺雪閉門終古閒

吾愛徐霞客汗漫歷年載閒雲與野鶴蹤跡徧宇內我欲

從盧敖拂衣尋海岱

吾愛松壺子游戲煙霞侶託興畫詩書三生吾與汝何年
歸去來壑庵聽秋雨

天台羽客貽我丹鼎賦此謝之

人生不學陶貞白高臥華陽謝塵跡便當去作葛稚川遠
訪丹藥求神仙初陽臺畔淡雲樹家在仙人鍊丹處尙湖
水碧虞山蒼曾汲丹井窺丹光石梁茆蓬隔華頂有客貽
書贈丹鼎青鳥翩然下雲間化爲玉女雙垂鬟一卷丹經
秘瓊笈黃金鍊骨玉鍊顏仙露滿山瑤草綠我欲移家住
玉屋丹成騎入名山游更向青崖紫白鹿

黛影湖放生同謙谷作

幽壑疎林入暮雲湖波如縠漾鱗鱗久呼猿鳥爲知己暫
與龜魚作主人稻隴秋原憐待飼桃源春水感垂綸與君
領取飛潛意物我從來一體親

夜聞湘姬誦經爲陳四果三塗諸義並贈以詩

何處魚山仙梵音夢回小苑月華沉證來圓澤三生石修
到迦陵並命禽白髮吾應慙道侶紅顏卿已悟禪心散花
解脫拈花笑重與清談坐夜淡

家午橋侍御姪

鴻

上疏請行西北營田水利得

旨允行詩以寄之

知爾蘭臺坐夜淡桑經酈注幾披尋恭逢

聖主求言日不負儒臣報國心金鑰披垣花影細玉珂

宮漏月華沉瓊山海運生平志霜髯蕭騷感滯淫

家荔峯閣學乞假葬親南還道出吳下古雲襲伯招
集百一山房賦贈

觚稜回首暮雲沉吳苑相逢愜素心兩賦聲名重芸館十
年臺閣踐華林卜來馬鬣風霜苦話到龍髯涕淚淡同是
貞元舊朝士酒邊翦燭更題襟

甘亭爲西湖之遊賦此送之

扁舟水郭送斜陽回首西泠我故鄉銀杏葉乾新酒舍白

蘋花冷舊漁莊阮墩水落沙橫雪梁墅

葛林園梁氏別業也

秋淡月

墮霜此去好畱新詠在湖山風景未全荒

同年蔣香杜

廷恩

中翰不見二十年矣頃自京師歸

吳門相見話舊賦贈

廿年蹤跡暮雲違回首觚稜感落暉
京洛交游同輩在貞元朝士舊人稀
薊門天遠繁霜下吳苑秋深木葉飛
話到輪臺遺詔日茂陵風雨各沾衣

自題青崖放鹿圖

余一生落拓愛遊名山徒以羈宦之身浮沉人海
恒鬱鬱不自得今春秋已逾四十有九矣旣乞廣
陵張子貞鐫太白一生愛入名山遊小印摩挲寄
意又以太白且放白鹿青崖間二語乞七薊椒畦
諸君合筆作行看予寫真及白鹿童子者七薊寫
青崖者椒畦也圖成卽以青崖放鹿題之

且放白鹿青崖間須行卽騎訪名山我讀太白夢遊句仰
天大笑開心顏海內名山幾千百五岳生平祇登一天門
風急吹我衣手弄白雲秋瑟瑟昔年遠涉風雲嶺一碧灤
河寫秋影西風橫簫作邊聲關山月上孤松頂一從試吏
江南來鬢桐久已嗟凡材清流廢關節語斷棲霞古寺鐘
聲哀江南好山態平遠盡本清蒼開北苑十年羈宦吳王
城何處中流望雲巘我家西湖山水佳翠屏明鏡相徘徊
龍湫石梁夢飛越徑欲策杖尋芒鞋祇惜年來病腰腳空
憶春山采靈藥此事何如宗少文臥遊四壁圖雲壑放猿
放鶴古有人煙霞結契辭風塵洞口綠蘿挂飛瀑桃花開
徧仙源春鹿兮爾且居林野他年我是尋山者揮手金門

揖紫霞尋君先向青崖下

鄭氏小紅樓題壁間徐友竹山水畫幀

白石新詞憶小紅闌干煙樹暮雲空吳娘水榭人何處鄧尉山樵畫最工別浦橫波簾押外夕陽凝黛鏡奩中櫻桃傳舍芙蓉匣待與重來證雪鴻

消寒小集分賦寒櫓

旅思無端動酒邊一枝清萼鴈聲圓月斜江岸征人去霜冷河橋獨客眠鄂渚雲低昏楚雨巴陵帆遠暗湘煙生平久厭江湖味聽到寒宵倍黯然

謝曹墨琴夫人書贈楹帖並示令子井叔

學書曾拜衛夫人彤管新貽翠墨溫當代歐虞推楷法

劉文

頤道堂詩選卷十七

重

清公論書推謂鎮甫並時管趙識清門先生百年高詠輸前輩

七子嘉名羨後昆檄帖句云百年詩史名山富七子騷壇領袖尊井叔即七子中翹楚也更

幸舉家同拜賜鷗波花蕊話嬋媛贈子婦注端句云蘭臺注史三千卷彤管編詩

八十家贈姬人管筠句云花蕊宮詞書百福鷗波韻事證雙修故云

哭彭甘亭

兆蓀

夙慧三生石孤標百尺桐讀書富袁豹晦跡託梁鴻有弟

坡公憶無兒伯道窮因君感蕭瑟謂樊村雙鳳落婁東

中年息江國早歲歷關山詩律齊梁上文章魏晉間燕城

陰館廢茂苑選樓閑一卷謨觴集高名動百蠻

示疾維摩詰清談支道林空門沂宗派止水靜禪心畫裏

中峰壁琴中太古音壑庵吾舊隱有約入雲溪

飛雪游梁曰流星隕謝年鶴書纔待薦鵬賦已驚傳第二

碑誰勒初三月乍弦

君以辛巳正月初四日卒

沈吟寒梵句遺墨在殘

箋

銷寒小集君賦寒梵乃絕筆也

天平山訪楊孟載故居並題睂庵集後

唐賢風格楚騷情伯仲青邱舊有名書記譚兵唐杜牧才
人輪作魏劉楨白吟夜月湘中怨青入家山劍外橫何處
草堂遺址在支硎東去是天平

虎邱訪劉碧鬢墓

碧鬢乾隆初年人籍廣陵幼隨父戍遼東有麗色
嫺文翰精案牘適某貴人爲妾貴人撫江南命掌
箋奏建來鶴樓以居之寵冠後房偶遺金釵文卷

中誤入外舍貴人疑失寵因致之死死年十七埋
骨樓東牆下余友傅蘭齋其尊人佐某中丞幕知
其顛末竝於此壇題詠唱和爲遷葬於虎邱真娘
墓後從鬟請也蘭齋云其家有碧鬟小記一冊許
以見示索之不得王柳江示余一冊本事半軼柳
江云墓在虎邱側柏徑有劉仙姬墓石碣并云事
在虎邱山志也其倡和之詩不勝錄錄其一章云
我家原住隋堤曲阿父相攜成鴨綠十二三學
秦聲十四五教絃索我得鸞箋寫硬黃吟成小
句藏箚腹亭亭二八入侯門可憐匝歲塵埋玉多
情腸裂淚偷彈牀頭濕透芙蓉褥夜雨鈴聲泣馬

嵬秋風怨草悲金谷詞名簷鐵付飄煙瘦蘭十卷
誰來讀因緣會合紅蓮客何年安我山之麓簷鐵
紀來鶴樓中事瘦蘭詩卷名也凡降乩者八夕一
曰云荷太乙仙解脫赴騫林矣後遂不至事或然
耶昔尤西堂有何澹玉春風舞詞及瑤宮花史小
傳皆爲乩仙作夫零葉漂花玉顏黃土後房嬌媚
鬱鬱埋香者何限矧鬟之事信而有徵耶惜其才
悲其遇恐其湮沒而不彰也因於暇日訪其墓并
綜其事而爲之詩

劒池流水虎山樹秋陰綠暗蘿蕪路黃土誰埋婉孌人青
苔賸有嬋娟墓絕代嬋娟說姓劉揚州明月玉簫秋瓊花

自愛無雙影不捲珠簾獨倚樓樓中夜靜彈神雪硯匣書
籤伴花纈私將玉貌鏡中憐晚妝雲髻雙鬟碧鴨綠江寒
水拍天隨翁遠戍玉門煙紅顏豔奪胭脂色不數琵琶出
塞年貴人一見心傾倒甲仗迎歸歌得寶玉帳濃生青海
春翠蛾澹學天山掃貴人移節撫江南一路香車從玉驂
望到虹橋秋柳色故鄉重過路曾諳綠章作奏開東閣蕙
楊兩字書來鶴列戟侯門海樣淡蘭堂晝靜垂珠箔豈有
金釵付密歡九疑雲起障層巒甘拋絕命從君死始信迴
心自古難罡風吹急紅芳歇月華正好浮雲沒昨日樓頭
倚玉顏今朝牆下埋香骨泣露啼煙又幾年焚香有客禮
神仙偶書紅葉生前事始信沉寃在九泉細雨花魂句最

工半庭涼月麝蘭風題詩乞傍貞娘墓寫向鸞箋字字紅
紅樓十里嬌春暮油壁看花知幾度豈知一角畫中山卽
是他年埋玉處落葉凋霜冷暮雲當年詞客葬羅裙我來
訪古吟紅豆草沒殘碑倚夕曛天意虛生復虛死古來薄
命多如此萬古傷心是落花百年恨事如流水擬種梅花
伴歲寒更思小影寫冰紈不堪疎雨銀鐙夜簷鐵聲中詠
瘦蘭

題曹澧香女史

蘭秀

書畫遺冊

當年蘭畹詠烏絲惆悵雲間筆一枝天上采鸞原小謫臺
前碧鳳竟長離豈知玉瘞香埋後重見花歌葉舞時極目
渾湖煙雨裏九峰如黛弔蛾眉

謙谷有從余卜居西溪之意西溪一名河渚亦名鶴渚因以鶴渚自號松壺子爲作鶴渚草堂卷子乞題賦此

西溪何所有到處有修竹微雨洗春碧古水浸寒綠西溪何所有夾岸皆梅花浮香暝霽雪疎影明寒沙西溪何所有蘆碕與桑陌柔桑渝春雲寒蘆瘦秋雪西溪何所有漁舟與僧廬僧鐘漾蒹葭漁燈出菰蒲我有漁莊圖茆屋西溪上君欲營草堂來與西溪傍松壺好懷抱置君煙霞間一桁青向人云是秦亭山河渚卽鶴渚渚邊宜放鶴何日遂鷗盟各踐歸田約

頤道堂詩選卷十八

錢塘 陳文述 退庵

將之江都畱別吳門

十載蘇臺感滯淫三生宦海任浮沉
春城花月離塵動水驛煙波別緒深
畫舫美人工擁髻騷壇名士話題襟
江南江北應相憶官閣寒梅共此心

雲巖瓜亭餞余楓橋舟中畱別

水驛垂楊勸暫畱彩雲橋畔艤扁舟
地因久住難言別人爲多情易寫愁
花月嬋娟憐並世湖山佳麗約重游
翠鬟掩抑金尊冷腸斷當筵鉶篴篴

蘭陵舟中吟樓以林遠峰鄧尉探梅詩冊見示遠峰

下世已兩年矣感而題之

正作梅花夢逢君鄧尉間
卷中光福里畫裏鍾吾山
鶴去暮雲合鵲啼春樹閒
翦燈覽遺墨懷舊涕痕斑

元夕瓜步舟中玩月口號

瓜步城邊泊風濤暮色酣
元年此元夕江北又江南
夜月蕪城白春燈茂苑紅
誰知故園夢正在客舟中

梅叔假我紅船曰曲江吟舫爲題一律

十年吟徧曲江春又上租船
一問津桃葉偶然乘漲渡木
蘭原是此花身半生宦海同爲客
七發觀潮或有人我是琅嬛詩弟子
廣陵遺事識前塵

自京口乘紅船泝江西上乘月過燕子磯二鼓至秣

陵

春潮曉漲京江郭北固山前一舟泊東風偏解送征人片
帆飛掠如黃鶴天空海濶浩且闊東來濃翠浮煙鬟中有
芒屨舊行路一角先見棲霞山暮雲收盡江流碧燕子磯
頭月華白船頭吹雪酌金尊肯使江山讓采石白下春光
轉柳條明朝繫纜石城橋夢回忽憶蘇臺事襟上春痕酒
未消

將之邗上小住秣陵獨游冶城訪謝公墩林壑之美
殊愜登覽始知逸少安石志意高曠固由懷抱不同
亦山川之勝有以發之昔太白游金陵嘗欲營園其
上賦詩寄襄余薄宦久羈初服未遂蹤跡之劣遠遜

數公至超世之懷則一也擬於解組之日來此卜居
爰賦小詩以當息壤

半生宦轍阻邱樊重訪林巒過白門卜地待營陶令宅尋
山先問謝公墩且看紅藥攜琴去欲起青蓮把酒論對面
小倉苔逕在他年可許比隨園

江光閣題壁贈雲巢上人

清涼山半路一綫見江光曠野低平楚迴潮下夕陽獨游
成浩蕩高詠寄疎狂折取梅花去空林味古香

登清涼山絕頂翠微亭望江

鍾山龍蟠石城虎眼底蒼茫小吳楚長江一綫天際來六
代羣雄一坏土翠微亭子山巔橫山腰遠與浮雲平隔湖

黛影浸桑泊殘陽一角悲臺城君不見青頭雞金翅鳥龍
驤一例化侯王殘碣哀蛩空宿草又不見金蓮步玉樹花
蛾眉絕代殉君國故宮老樹啼寒鴉燕麥兔葵開滿地三
百餘年奈何帝僭竊紛紛啟霸圖繁華寂寂銷英氣隔江
形勝共江流勢壓荆襄處下游寄語南朝諸帝子金陵不
是帝王州

隱仙庵古梅花下作

六朝人不見猶見六朝梅香早先春到花仍帶雪開隱居
宜寂寞仙跡與徘徊小坐清寒極春衫漬古苔

重過隨園題小倉山房壁

晴雪繁香暗畫廊故家池館未全荒偶乘高鳳新漁艇重

訪盧鴻舊草堂營墅會聞謝安石乞湖空羨賀知章援琴
待奏思歸引來卜幽居傍小倉

隨園池上小憩

小倉山下路池上此閒行流水動花影空林靜鳥聲煙霞
託高致宦隱契幽情我亦西湖客歸田計未成

陶谷古梅花下懷松壺子

不見松壺子青峰隔暮霞偶尋修竹逕來問古梅花湘水
春浮棹嵩陽客憶家期君坐東閣翦燭話三巴

贈來茲庵僧竺塵

一徑入陶谷翠煙嵐氣蒸因尋詠梅客相遇種蘭僧雪澗
新龍鴈花田舊馬塍南行憶湘渚松子落紅藤

青溪夜雪

水榭人歸靜玉弦壓窗雲重客無眠垂檐珠箔停疎雨隔
岸紅樓畫暝煙暮燭樽前吟楚袖春帆江上滯吳船有情
佳節無聊夜翠被新寒又枕邊

重過停雲水榭

小姑祠畔柳絲斜誤結繡郎白鼻騮金谷懷人初罷酒石
城何事又移家弦低翠袖雙鬟曲影澹銀燈四壁花我是
行雲停不得春帆一峭又天涯

題范雙玉青溪一曲畫卷雙玉名珥明秦淮女郎也
碧樹紅樓見逸才六朝山翠共徘徊美人家住秦淮畔解
寫青溪一曲來

青溪九曲已無存一曲長畱白下門張麗華祠江總宅六
朝遺跡儘銷魂

卜居我欲傍青溪長板紅橋路向西畫裏分明好池館殘
宵不厭翦燈題

臨水登山興未孤流連花月笑狂奴秦淮兩岸人如玉更
有丹青似爾無

金陵寓館書寄湘姬

金姬祠墓玉孌湖回首蘇臺別夢孤爲憶翠鈿閒曉鏡偶
逢紅袖話當壚春陰白下啼鶉鴂夜雪青溪唱鷓鴣知爾
重簾粧閣外落梅春澹點煙蕪

龍江夜雪書寄玉徵

十年吳苑領騷壇
水閣題襟感墜歡
今夕龍江關下泊
一天春雪大江寒

翠袖香消水榭春
玉梅小苑點芳塵
鷓鴣聲裏春寒重
憶爾青溪聽雪人

江上晚泊望盧龍山積雪

昔年遠出盧龍塞
萬壘橫雲立馬看
今日盧龍山下泊
扁舟殘雪暮江寒
摩崖舊跡畱千古
縱酒羈懷感百端
且喜南行攜阿邁
翦燈聊與醉春盤

雨中曉發燕子磯

殘雪畫春山
舟行溼翠間
題詩過水府
吹簫下江關
高閣人何在
輕帆我更閒
烏衣好相識
前度幾追攀

江行口號

殘夢白門水榭舊約青山酒家兩岸未消殘雪一峰正對
棲霞

擊鼓黃天蕩口墜馬金山寺中我是西湖居士識他兒女
英雄

花月三生茂苑江山一角蕪城容我天空海濶趁他風利
帆輕

兒輩已覺此樂公等疇與爲歡寄語江東年少來尋七子

詩壇

康山有王虛舟書
七子詩壇額故云

將之江都呈孫寄圃制府

宦海浮沉十五年鏡中元髮久華顛積階敢說馮唐老薦

表深慙季直賢鄉校人才先孝弟閭閻根本在農田萬言
寶訓曾親校更與蒼生誦幾篇向曾摹刻 武英殿本
期爲民間設立義塾以課學
僅且藉資識獄勸教之功

謁董仲舒祠下作

緬昔江都相生平最服從伏生秦博士轅固漢儒宗英主
賢良重驕王禮數恭治安賈太傅經術鄭司農道脈開濂
洛心源啟辟雍六經窺醞釀三策味從容往者瞻祠宇今
茲獻壁琮中庭下繁露晝壁隱交龍古井寒波汲荒園斷
蘇封平津應久圯高位遜章綬

平山堂懷歐陽公

蜀岡煙樹鬱參差永叔高懷想見之富貴偶開金帶譙風

流曾賦玉釵詞門生衣鉢傳蘇軾史館文章邁宋祁幾度
平山堂下過碧筒醉酒更題詩

文選樓懷阮雲臺制府師百粵

廿年蹤跡感名場回首恩門未敢忘曾爲譚經開石室屢
因問字過雷塘帆檣南海勞籌筆銚火西湖憶講堂我是
春風舊桃李種花還得傍門墻

花朝前夕瓊花觀玩月書寄吳門

官燭燒殘旅夢清二分明月最分明永懷燕喜堂前語閒
向蕃釐觀裏行今夕應知千里共來朝況是百花生綠楊
城郭紅橋路憶遠遙憐此夜情

花朝聽雨

明月流光憶昨宵夢回忽聽響瀟瀟客因地勝尋花事我
正春深念麥苗桃葉煙波懷白下柳絲消息問紅橋魚書
待寄吳門去添得春江一夜潮

蕃釐觀瓊花摧折已久古壇遺址尙存擬植玉蘭補
之詩以記事

后土祠空暮雨寒瓊花根蒂惜摧殘靈株寂寞歸瑤島仙
觀淒迷賸石壇明月多情移素影春風作意護雕闌瑤華
亦是無雙種當作南朝玉樹看

唐文館題壁

榭掩芳塵滅黥苔當年書局此間開已歸芍藥前廳貯曾
見葫蘆舊本來淮海新編勞翰墨貞元朝士散樽罍華林

徧略蘭臺藻辛苦雕蟲儘費才

安定書院懷吳穀人祭酒

終身祭酒邱靈鞠

仲瞿贈句

小雅吹笙束廣微

銑雲贈句

江國更番

憶江樹春明曾記話春暉雨昏東閣人何處月冷西湖鶴
未歸馬帳生徒半零落講堂花謝徑苔肥

呈延儉宜巖使

天街記聽春城雨

賜第頻看

上苑花深喜江淮持使節更因鄆杜憶京華尚書池館開

裴墅太傅園林識謝家應有周璆塵榻在觚稜回首感棲

鴉

余在京會主公邸第

曉出北門望紅橋柳色

曉出北郭門遙望紅橋柳裊裊纖腰翩翩舞垂手垂手
舞翩翩嬌嬈最妙年含嬌復含妬宜雨更宜煙煙靚嬌姿
露鏡裏新眉嫵垂柳與垂楊盡是銷魂樹綠樹噪棲鴉紅
橋第幾家裙腰芳草路一道玉鈎斜

雷塘弔蕭后

后梁明帝歸之女宣帝嘗之孫女昭明太子曾孫
女武帝之元孫女也世系見北史附庸傳后性婉
順有智識好學解屬文頗知占候帝每游幸后未
嘗不從見帝失德心知不可不敢厝言爲述志賦
以自寄宇文氏之亂隨軍至聊城化及敗沒於寶
建德建德妻曹氏置后於武強縣煬帝美人嬪妃

並使出家突厥處羅可汗方盛其可賀敦卽隋義
成公主也遣使迎后於洺州建德不敢畱遂攜其
孫及諸女入於虜庭大唐貞觀四年定襄道大總
管李靖大破突厥獲后及煬帝之孫正道送至京
師賜宅於興道里后以二十二年殂詔以皇后禮
合葬於揚州煬帝陵諡曰愍按后爲煬帝元配帝
崩年已五十則后春秋當亦不遠帝挾秦王漢武
之雄略濟以東昏鬱林之荒淫此豈宮闈言論所
能轉移國破家亡飄零無所亦人生之大不幸也
唐人小說過事汚穢迫因惡帝無道因以及后無
據之辭不足徵信因爲此詩以正之

隋宮往事最堪悲一樣雷塘碧草滋家國滄桑陳沈后文
章諷諫漢班姬飄零玉塞歸朝日寂寞金輿返葬時記得
琅邪才筆健高文擬爲勒穹碑

王仲瞿有蕭后
誄辭疑爲勒石

侯夫人詞

侯夫人隋煬帝後宮美人也才色殊絕不見知遇
懸帛朱棟自經以殉臂有錦囊貯所爲詩帝爲誅
中使許廷輔厚禮葬焉其詩並令樂府歌之事載
韓偓迷樓記

玉輦庭空朱棟閉芳名畱重迷樓記千秋一卷錦囊詩解
說隋宮舊時事舊事隋家第幾年征遼師罷息烽煙自憐
初入承明日砌雪庭花在眼前君王辛苦開西苑翠湖澄

碧環蒼巘玉顏曾未識君王太息君恩實疎遠君王幾度
下揚州曲屋幽房事宴游簫鼓無聲春不到不知何處是
迷樓北堂迢遞偏親老成策漸漸憐芳草幾度深宮詠玉
梅清香寒豔珍殘稿水調宮中夜半聲楊花零落李花榮
思將怨女沉吟意冀悟君王放蕩情當年倘得龍顏顧左
姬詞翰班姬賦定將莊論挽侈心春風不到河南樹豈意
雕窗鑲玉人畫師不肯寫昭君空憐永巷年年月不見陽
臺暮暮雲朱絲畢命鞦韆下芳春風雨桃花謝自古文章
死後傳一卷遺詩重無價何處春山葬落花靡蕪應近玉
鈎斜更聞詔獄諸中使鄭重深恩出大家一樣興亡話三
閣尼寺淒涼戎幕廓絳仙螺黛寶兒花無數紅顏感零落

宮木陰濃燕子飛君王歡笑已成悲美人殉國知幾早不見紅輝吐豔時君不見秦阿房六宮嬪御來殊方三十六年不得見黃泉白日空悽愴又不見漢長門九天珠玉承殊恩一朝失寵閉金屋千金買賦空煩冤從古才人多失意何況嬋娟擅佳麗青春幾輩老娥媼可憐宮禁深沉地宮腰殿腳總成空都在香埋玉瘞中多少蛾眉俱老死後來還有上陽宮

朱貴兒歌

朱貴兒隋宮人司馬德戡入宮以死殉煬帝之難
事見韓偓海山記

愁不必寶兒花秀不必絳仙黛獨將一死殉君王留取芳

名重千載龍舸昔日下揚州千門萬牖開迷樓十六院中
擅歌舞多少美人樓上頭君王好色思傾國殿脚三千好
顏色翠袖朱家最擅名承恩長在君王側河北花開玉李
甘君王寶帳夢方酣武貴門外屯元禮驍果營中起德猷
雪及霜戈映珠翠慷慨殿前申大義帝恩曾不薄諸軍前
宵新製寒衣賜宮俠含霜劍氣橫攀龍有願竟同升玉兒
甘爲東昏死一代嬋娟有盛名雞臺殘址雷塘路尙餘大
業垂楊樹傷心一片玉鉤斜不見美人埋玉處一樣宮腰
命不長瓊花玉樹話興亡舊陵處處迷芳草誰弔宮人趙
幼芳

常沂靈鬼志載唐會昌中顏溶游建業遇隋宮御女
趙幼芳云在江都爲侍湯膳者及亂兵入以身蔽帝
遂爲所害從瘞雞臺改葬雷塘不得從後溶至廣陵訪
得吳公臺場帝廢陵果有宮人趙幼芳墓因以酒奠之

贈張子貞鏐

廣陵雲樹指騷壇，畫札圖僑感陸歡。
隱操世推秦系古，詩情天與孟郊寒。
石林薤葉奚囊滿，雪屋梅花委巷殘。
我是當年舊儔侶，元纁珍重問袁安。

詔舉孝廉方正山林隱逸之士，余以君應君辭不就。

和作

張鏐子貞

一時知己似君難，廿載交情結古歡。
已托冬心甘寂寞，更分春色向孤寒。
玉因在璞方爲貴，花若多香轉易殘。
土木形骸疎懶性，敢將出處比袁安。

贈汪劍潭太守並寄令子竹海中翰竹素觀察

桃花潭水寄深情，司馬青衫舊有聲。
一代詩名京輦重，十年宦跡粵江清。
紀羣交誼原珍重，賦轍文章況老成。
回首

元亭攜酒處橫街往事憶春明

送家荔峰閣學入都

天上星辰轉直廬江城花柳拂輶車行當瀧表題阡後到
及

橋陵奉御初椽筆文章歸鳳閣

梓宮儀衛肅鸞輿廣陵驛路題襟別極目春明憶子虛

春夜聽雨同人以翦燭聽春雨五字作起句送謙谷

歸吳門

翦燭聽春雨瀟瀟客感生鶯聲過寒食柳色動江城別夢
紅樓冷歸程畫舫輕茱萸灣口路悵悵若爲情

竹西亭弔杜樊川

樊川詩格久名家載酒江湖閱歲華金粉言情徐孝穆文
章夢國賈長沙閒來水調歌明月悟後茶烟感落花二十
四橋人去後竹西亭古賸棲鴉

春夜碧城仙館置酒同清如井叔

才筆何人匹杜陵襟懷豪宕興飛騰輕寒池館春攜酒細
雨簾櫳夜翦燈文字因緣留紫石海山游覽話紅藤彈琴
我作思歸引屋角疎梅憶馬滕

玉鈎斜弔隋宮人

廣陵玉鈎斜是隋煬帝幸江都日叢葬宮人之所
相傳有此名不知其處余以意度之斜者曲也若
韋曲杜曲鄭曲薛曲也玉鈎者地當近玉勾洞天

也玉勾洞天在瓊花觀則玉鈎斜當與瓊花觀相
近也擬於觀側隙地建玉鈎斜亭以待春游士女
攜尊酒酌寒食焉先之以詩

殿腳宮腰總可憐南朝曾此葬嬋娟劇來紙醉金迷地重
弔香埋玉瘞年影幻野塘波似雪魂歸清夜月如烟瓊花
小劫同開落誰築紅亭傍洞天

前詩旣成同人競和再賦四首

錦帆烟雨暗隋家綠到蘼蕪漸有芽夢裏何人歌玉樹春
來依舊發瓊花六宮斷礎銘歸鴈一角殘碑噪暮鴉太息
晉陽宮殿事生平遺恨在宣華

雞臺殘夢話紅梁怨入東風弔夕陽當日美人同月觀祇

今帝子亦雷塘蟹寒蛭瘦南朝寺翠冷香消北苑粧寂寞
荒螢秋萬點夜深來照玉魚涼

何事荒墳署玉鈎洞天日晚碧雲愁宮眉影瘦埋粧鏡殿
腳花殘泣御舟幾樹丹楊新別苑一抔黃土舊迷樓六朝
城闕犁都盡失計當年下蔣州

攀條惆悵弔前朝如此繁華竟寂寥把酒偶澆銅輦路招
魂閒聽玉人簫棠梨麥飯重三節芍藥花田甘四橋無數
垂楊復垂柳絳仙眉黛寶兒腰

讀李松甫韋廬集

我讀韋廬集清詩味最長遙峰見廬霍遠水澹瀟湘月色
夜船靜琴聲秋館涼孤悰誰領畧禪榻坐焚香

小武夷硯山歌

紫陽藪君惠我奇石高盈尺廣如之橫二尺又八寸峰巒複沓天然秀削有字曰武夷春曉品在海嶽硯山上因名之曰小武夷硯山且爲之詩

幔亭仙樂聞宵譙青山九曲開生面前身合是武夷君收拾中峰雲一片片雲吹墮秋窗空九華縮本歸壺中虹橋雲洞一一可指數臥游直到天游峰紫溪水碧青蘭謝仙掌厓高碧雲夜揮毫忽憶故人詩水月松風美無價蘭雪武夷句
巫峰十二宣和遺武都洞穴森仇池余舊有此兩硯山玉華一角更幽絕墨池倒影青參差如黛碧峰三十六案頭好伴雙鸚鵡他年留待付曾孫驂鸞來聽賓雲曲

陳元龍祠

百尺高樓隔遠林豪情不共暮雲沉力支漢室傾危局氣

懾孫郎割據心銅印祇今珍嶺表

阮尚書師藏有漢銅印篆曰陳登

金隄

終古障淮陰

今高加堰爲淮揚兩郡保障卽公愛敬塘遺址

我來祠下瞻宗袞湖

海襟期較淺深

揚州郡齋懷伊墨卿太守

久辭五馬狎雙鷗回首空山古木秋遺愛祇今思召伯高

名終古說荊州南華經裏君遺宅

君歸汀州營秋水園以居

東閣花前

我舊游擬附三賢祠畔祀寒泉一瓊酌清流

題阮梅叔雷塘話雨圖感伊墨卿太守之亡而作太

守與余舊識今來邗上是其舊治懷知感舊能無惻

然

正是農歌閔雨天卷中雲樹濕寒烟路經隋苑埋香地人
憶蘇臺話舊年秋水園荒擁書閣桃花菴冷隔湖船登樓
別有愴懷事不爲南朝數畝田

紅橋送春曲

綠楊城郭春陰暮當年慣踏紅橋路今番翦燭治官書眼
中未見紅橋樹紅橋烟柳碧絲絲又是春光欲去時強爲
行春閒出郭迷離烟雨寫相思十年潦落城南杜不見春
來見春去落花紅盡鷓鴣啼問春畢竟歸何處隋家宮闕
暗烟蕪大業垂楊賸幾株廢隧花深飛壞蜨荒臺月冷泣
啼鳥迷樓殘址雷塘畔宮腰殿脚繁華換妖姬空弔玉鈎

斜詞人尙訪瓊花觀我欲留春不可留傷春傷別幾時休
髣髴絲禪榻三生事寂寞紅橋樹外樓

康山弔江文叔

畫棟香巢識舊痕翠微堂外幾黃昏南州屢下高齋榻東
道頻開別館樽花月有情同寄慨江山如夢各消魂不堪
二十年來事疎樹寒鴉弔墓門

葉荅生莫釐山居圖

太湖三萬六千頃吐納嵐烟倒雲影七十二峰青參差中
有一峰名莫釐莫釐將軍官何代志乘蒼茫失年載山中
猶贖將軍墳疎林石馬低寒雲翠峰寺外深烟樹白沙村
畔閒鷗鷺塔鄉卽在此山中門掩藕花最深處白雲縹緲

鶴孤飛聞說西山更翠微我欲移家傍林屋素書擬向靈
威讀

藏書石室感林篠谿之亡並弔賈少席

舊游何處問琅嬛聞遂山陽總可憐賈島詩中悲落葉林
逋祠畔荐寒泉夢淒芳草迷蝴蝶花謝春林叫杜鵑記取
曼雲陰館事湖山回首十年前

題嘯溪上人南屏詩草

七代詩僧後孤雲見逸才禪從三昧證境與四靈開藤瘦
猿啼樹松閒鶴啄苔何年入蓮社陶令賦歸來

唐太宗昭陵石刻六馬圖歌

太宗石刻六馬在昭陵北闕下一日青騅平竇建

德時乘二曰什伐赤平王世充竇建德時乘三曰
特勒驃平宋金剛時乘四曰颯露紫平東都時乘
五曰拳毛騶平劉黑闥時乘六曰白蹄烏平薛仁
杲時乘皆有銘歐陽詢八分書其殷仲容書者諸
蕃君長刻石象也

天行莫如龍地行莫如馬唐家六馬如六龍耿耿房星照
中野虬髯浩氣生長虹太原公子人中龍人是天人馬天
馬百戰淨掃烟塵空颯露紫什伐赤騶拳毛驃特勒騶青
更有烏蹄白東都首叛唐基業平宋平劉更平薛何物世
充竇建德當時天策羅羣賢英衛褒鄂輝班聯摧堅破敵
騁逸足此馬應亦圖凌烟九嶼山高壓金粟陪葬諸臣一

百六眞珠可汗河源王立石墓門冠劔肅六馬各奮騰驤
姿帶箭尙作追風馳四十萬匹育沙苑空有毛骨無權奇
歐書瘦勁鋒稜正披圖彷彿天威震應齊夏后御雙龍不
數周王驅八駿黑龍江水白龍升躡景超光匹練騰萬里
風沙開縞素千秋石馬兩 昭陵

國朝

太宗文皇帝昭陵有大

石馬二
白小白

新製畫舫落成署以月地花天並書楹帖曰萍葉綠
波春水桃花細雨東風且爲之詩

素書珍重畫橈閒楚尾吳頭便往還幾疊暮雲仙女廟一
鉤新月美人灣夜鐙簫鼓湖邊寺春雨樓臺畫裏山他日
全家同泛宅碧雲橫處無攬雙鬟

詠金帶圍

風流花相稱平章雙帶泥金染御香殿上昭容廻紫袖宮
中妃子詠霓裳仙根合種尙書省春宴曾開宰相堂正是
黃麻宣賜日聲華誰似宋安陽

寄圃制府新拜
協揆之命故云

五色天書重瑣闌上林珠樹蔭綸扉早朝露漚三公綬合
殿香飄一品衣四壁宮花同綺麗滿床牙笏映芳菲紫袍
已極人間貴珍重東皇又賜緋

五銖衣薄百花薰仙館題襟共夕曛佳客盡垂雕玉佩後
堂爭舞鬱金裙囊中解貯三霄露袖底親攜五色雲莫恨
青袍似春草才名終屬杜司勳

羣仙聯襪共抽毫奪錦何人氣最豪解舞聊簪矚光帽當

筵休唱鬱輪袍聲音樹靜停仙樂旌節花開倚采旌回首
慶來堂上事新詩曾記誦兒曹

蘇州郡庠春風堂曾有此
花慶蕉園方伯往觀蒲快

亭教授易名慶來堂是日
兒子裴之在坐有詩故云

汪月樵夢中萬松堂觀月圖

白雲橫黛山蒼然飛瀑響維秋濤圓萬松鋪影作平地明
月正上東峰巔虛堂斜對青山起樓臺高下松陰裏松際
清光破碧空月華漾演如秋水月輪漸轉松影橫松陰缺
處微雲生松耶月耶迥莫辨惟見荇藻交空明明湖松島
君家住烏灤松嶺吾游處中宵見月動羈懷意中各有松
千樹虬枝哭九龍鱗麓萬松堂字縱橫書吾家老曼方病
臂大筆誰解追歐虞松間月澹秋痕重月林松影秋風動

夢中得此良復佳世間佳境何非夢

輓姜曉泉

何事沉憂損性靈空餘姓氏重丹青
烟鸞秦女新團扇蓄馬唐人小畫屏
花月游蹤香雪海鄉山歸夢水雲亭
遺孤賸有中郎女惆悵崔家曙後星

七月二十五日書舊年秋感詩後

哀猿聽後聽啼鴉又是金風玉露天
華表鶴歸應此夜鼎湖龍去已經年
苑花蕭瑟低寒雨陵樹蒼涼鬱暮烟
回首吳門感秋句焚香揮淚讀殘箋

京口夜泊

京峴山低入暮涼潤州城郭晚蒼蒼
銀鐙夜酒停官舫鐵

甕寒湖上女墻名士文章蘇玉局美人消息鬱金堂妙高
臺上如珪月又照天花古道場

秋曉渡江

客夢如黃鶴橫江又一回彩霞初日上碧樹早潮來鷗鷺
白千點雲山翠幾堆南行趁風色不上妙高臺

停雲水榭感舊作

回首青溪感舊游吳娘池館謝家樓綠蘿影暗風廊夕紅
藕香銷水閣秋新月簾籠閒桂檻晚波爭遠並蘭舟憑誰
寫上新團扇腸斷當筵鈿篋篋

小紅橋外夕陽斜重到城南訪舊家攜客心情感桃葉春
人消息問梅花玉壺行酒闌宵譙珠箔飄燈紀歲華準擬

重來停畫舫梧桐門巷有啼鴉

聞說全家度嶺行珠江萬里月三更瓊花夢杳停瑤瑟銀
葉香消冷玉笙本事偶然留孟瑑詩名何意悞韓翃謝公
絲竹難陶寫一種中年以後情

瘦損朱闌舊舞腰隔溪何處問紅橋愁從杜牧詩中寫魂
向崔徽卷裏銷水榭微波秋落葉江樓斜月夜聞簫不堪
重話停雲事寂寞秦淮早晚潮

丁字簾在板橋北岸西用虞山蒙叟丁字簾前是六
朝句題壁三首

丁字簾前是六朝青山人遠白門簫當窗一樹垂垂柳苦
爲征人繫畫橈

秦淮流水石城潮丁字簾前是六朝昨夜高樓誰壓遂有
人低唱雨瀟瀟

舊院風流長板橋水天花月易魂銷虞山蒙叟今何在丁
字簾前是六朝

青甫招集歐陽棣之小園池上玩月

六一文章我所思兩三朋舊記心知琴箏細碎秋生座水
樹玲瓏月滿池花氣潛銷襟上酒露華涼沁髮邊絲題詩
更與雙鬟約來聽青溪遂一枝

重游莫愁湖上作

隔湖烟柳響鳴蟬壞壁留題感昔年一水微波澹秋夢四
山空翠化涼烟鳬翁閒到漁舟外燕子飛來梵閣前記取

鬱金堂畔事玉波珍重采雙蓮

是日湖上采蓮得並蒂一枝

金陵女史孫芙蓉

佩秋

故人蓮水女也見題拙集感

謝一首

青山雲樹謝公墩別有仙家寫韻軒詠絮人知推道韞繡
絲我媿說平原寫來嬌女簪花格憶到中郎掩淚痕回首
琅嬛觴詠地一簾春雨話黃昏

原作

孫佩秋 芙蓉

江海滄茫作墨池襟懷鸞鳳筆蛟螭三生玉局修書客
一卷金陵詠史詩捧硯粧臺人似月吹簫禪榻髻添絲
當年几席承庭訓太白仙才是我師

青溪玩月追感舊游

樓外疎星帶暮霞紅闌低映碧痕斜明河別苑風吹樹秋水空廊月浸花雙槳遂聲吳女舫重簾燈影謝娘家板橋露冷哀蛩語回首青溪感夢華

不得玉徽消息

香畱殘墨惜吳綾門巷依稀記紫藤綠水春陰同打槳青山夜雨獨挑鐙天涯夢味思臨桂露下歌聲憶采菱日暮登臨寫惆悵彩雲消盡月華澄

雨中過東花園林木翳翳潭渚縱橫極烟水瀟茫之致相傳是青溪九曲舊址

園樹荒涼暮雨催雨中黃葉下秋苔無人解說前朝事重畫青溪九曲來

九曲今餘一曲存舊京遺事最銷魂萬花樓閣秋陰裏一
抹疎烟白下門

青山如夢弔前朝一樣興亡付寂寥幾點殘鴉盡疎柳行
人指點苑家橋

淒涼劍血濺羅裙絕代蛾眉肯殉君何處賞心亭子在春
泥來弔麗華墳

青溪遠閣

屏上遙山澹晚春小山叢桂又蕭晨月華池館吹笙夜花
影簾櫳記曲人細雨香桃嬌骨格東風纖柳瘦腰身鬢雲
眉黛都宜畫鏡檻何人爲寫真

晚行棲霞道中

行盡齊梁石辟邪一峰如繖認樓霞野樵渡澗駭奔鹿老
樹向陵飛亂鴉山石高低經客路遠燈明滅見人家匆匆
又挂孤帆去月露星河記歲華

聞蔣伯申大令出塞

霜花寒點翠雲裘夢入金微古戍秋薊北風烟人出塞江
南花月客登樓湖山錄別留陳迹京輦論交憶舊游宦海
浮沉等閒事秋筇好自唱涼州

廣陵秋夜與諸文士讌集

扁舟纔自白門回林葉初看點砌苔官閣新涼秋雨過女
牆殘月夜潮來三生夢境人千里七子詩壇酒一杯記取
鐙殘鐘定後遠天如水碧雲開

以秣陵樸山鍊師畫梅西湖嘯谿上人畫竹合裝成
幅並題一詩

羽客羅公遠詩人帛道猷浮香前夜月湘雨一枝秋故國
青山在頻年白下游閒雲與野鶴各自寄扁舟

西園弔吳山尊學士

一曲微波澹四圍新霜紅葉下苔磯池邊冷泊雙鷗靜闌
外驚看一鶴飛園中舊有二鶴君卒之夕共一忽長唳飛去水調自翻蘇玉局
青山空憶謝元暉櫺書零落宮袍冷虛領

君恩早賜歸

月夜秋懷

金碧林巒好畫屏樓臺高擁一峰青美人消息飛鸞渡詞

客文章放鶴亭筇遂簾籠遲北里湖山烟月夢西泠經年
領略揚州味高詠梅花水部廳

于忠肅公手書楚辭天問卷

卷爲仁和潘企曾所藏公自署正統癸亥時王振
勢熾邊患日急後五年乃有土木之變

天問問天誰所作憔悴靈均歌當哭對者昔有柳宗元書
之今見于忠肅書當正統癸亥年陽德方亨陰已伏九重

營度有深悲痛甚湘纍悲竄逐纔看奄黨肆宮庭

王振殺劉球下

薛瑄獄祭酒李時勉荷校國學門皆在是年

旋見風霾陷土木北狩黃塵阻蹕

途南遷白面私鄉曲賴有忠臣任仔肩力排衆議扶坤軸
夙夜支持宗社安經年壁畫繼興復南城倘率百官朝東

宮不改前星卜定知海宇頌神聖長見天家美雍睦肇衅
無端詔易儲從此隱憂生骨肉奸臣已叩禁門開君王猶
在齋宮宿居然擁戴詡奇功竟使忠良蒙顯戮金牌曾否
出深宮兩字冤同三字獄赤手丹心萬古祠青山白骨三
台麓君不見秦伯遜荆蠻墨台遜孤竹周公賦常華漢家
謠斗粟元武兵驚門外塵金匱盟寒殿中燭與人家國最
艱辛容易猜嫌生手足謀國謀身不兩全千古忠臣同一
局搔首蒼茫百感生琳琅鐫刻珍都穆錢塘江上夜潮來
我欲招魂書宋玉

廣陵官舍小除夕對雪作

江天如夢雁聲來簫鼓誰家急景催人在春城對春雪夜

燒官燭詠官梅蕃釐景物遲花信餞歲團樂話酒杯領取
百年安樂意高堂明鏡笑顏開

耕晚閣內史畫水仙幃子

才人季芳樹仙子婉凌華圖畫留真本嬋娟識舊家湘波
明夜月洛浦澹秋霞寫到無言處前身是此花

春夜海棠花下玩月作

中庭月色來幾時小窗冰縠明參差披衣開戶踏明月滿
廊香霧月華白月華流照朱闌空花枝扶睡酣春紅香雪
隨風別春樹一徑蒼苔濕春露有人不寐數春星喚起雙
鬟吹玉笙

題管姬湘玉小鷗波館詩集

錦囊珍惜異香薰一卷新詩紀錦裙吳苑舊游同夜雨蘇
門往事有朝雲記迎桃葉佳人舫曾拜梅花處士墳不羨
鴛鴦三十六微陰間與白鷗分

頭上星辰綴碧鈿我我雲髻擁飛仙琴尊儘得香奩意筆
硯分排鏡檻前翠袖月華秋渡海明鐙花影夜談禪吳城
小女分明是解誦烏龍導引篇

太息龍門感著書多君心跡似清娛抄詩曾訂精華錄摘
句新添主客圖閒向閨房話閨秀果然西子比西湖澹粧
濃抹都宜稱麗色清才似爾無

玉琴清遠謝箏琶風格飄然自一家知已有情惟好月相
思無語是名花幾番翠墨霑紅袖絕勝金釵列絳紗好暑

碧城詩弟子仙心縹緲婉凌華

送嘯谿歸南屏

送爾南屏去南屏翠幾層蘿花飄白衲松子落紅藤詩境
湖天曠鐘聲夜月澄一龕聽雨臥我亦壑庵僧

擬沈雲卿古意

韋曲城南第幾家杏梁棲燕柳藏鴉上蘭觀外嘶金勒下
杜門邊走鈿車市散寶釵春罷酒香消玉蕊暮飛花驪山
終古溫泉在極目秦雲幻楚霞

春晚臥病頗動故鄉之思偶誦韋蘇州身多疾病思
田里之句有愜於心因成二律

卅年蹤跡感流蘋宦海名場總苦辛獨坐漸知心力減微

吟祇覺髭霜新簿書屢謝看花約台岩空羈采藥身祇合
抱琴師五柳東籬去作葛天民

故鄉況有好湖山家
在明波翠黛間鐘梵隔林僧寺遠松
陰滿地草堂閒種成茶筍皆仙味話到桑麻破旅顏同抱
烟霞偕隱願歸帆何日載書還

夢入華陽山中遇陶隱居贈藥服之而愈作詩紀之
萬松翠擁三層閣松際白雲如白鶴雲中忽遇古仙人獨
向空山采靈藥松陰滿地松風徐松花拂袖吹仙書方瞳
碧眼顧我語再拜識是陶隱居坐我白石漱我清泉贈我
仙藥堪延年服之神清骨健兩腋習習如飛仙云我今生
有仙骨前世多仙緣早謝塵鞅歸深山待我碧水丹崖間

臨城山言道先寸尺
烟霞倚倪忽枕席藥爐靜裊虛堂烟夢游天姥吟一篇松
風拂拂鳴秋弦

沈石田有題畫詩云幽居臨水稱冥棲蓼渚沙坪咫尺迷山雨乍來茆溜細溪雲欲墮竹梢低檐前故壘雌雄燕離脚秋蟲子母雞此處風光小韋杜可能無我一青藜格韻清絕余劇愛誦之適壁間有椒畦爲余作南屏讀書圖卽用前韻題之

翠微深處卜幽棲咫尺家山夢欲迷夾路花隨松徑轉宿檐雲傍草堂低垂楊細雨眠黃犢芳草斜陽玩白雞何日帽川圖畫裏溪頭行藥一扶藜

江上放鷗

山人豢鶴鶴不肥先生蓄鵑鵑苦饑塵世樊籠太笊絜放
之名自隨風飛野漁入市貨水鳥問之鷗也漁不知呼童
急爲解束縛泛泛拍水同鳬鷗爾來前吾語汝汝本水
雲舊儔侶細羅何事墮危機夢斷東湖蓼花雨我今送汝
鷗鷁船放汝荻渚蘋洲邊江南江北富烟水任爾浩蕩隨
江天我亦人間海鷗鳥宦海蒼茫一鷗小他日西溪理舊
盟葦間來伴漁莊曉

憶西湖用元白體十六首

我憶西湖好西湖處處山一奩明鏡曉三面翠屏環觴詠
鶯花裏樓臺烟水間分明越西子相對理雲鬟

我憶西湖好南巡此省方百花承輦路片月下宮牆樹

頤道堂詩選卷十八

三

色疑長樂鐘聲憶未央翠華仍望幸野老話純皇

我憶西湖好長隄白石橋桃花留小影楊柳舞纖腰微雨

高樓遂斜陽畫舫簫春風解人意緩緩送歸橈

我憶西湖好湖心有水亭行魚吹雪過啼鳥隔烟聽樹梢

晨分綠山山晚送青蓬萊宮苑在游女亦仙靈

我憶西湖好家家有畫樓美人閒攬鏡嬌女坐梳頭趙瑟

橫金雁湘簾捲玉鈎曲闌干影外一片綠波流

我憶西湖好春山舊酒壚樓陰障高柳帘影下平蕪月出

人皆醉花香客任沽杖頭隨處有林鳥喚提壺

我憶西湖好觥船一棹開窗中過花柳畫裏見樓臺語燕

窺紈扇閒鷗拂酒杯隔簾聞笑語鄰舫亦徘徊

我憶西湖好春鶯處處啼雜花芳榭北修竹古祠西五柳
邀殘醉雙柑憶舊題踏靑留屐齒一路印春泥

我憶西湖好春晴石路斜紫驪公子騎油壁麗人車碧綰
絲絲柳香生樹樹花水窗紅不閉日暮尙琵琶

我憶西湖好春陰細雨中風花消綺麗烟水寫空濛野漲
浮新綠殘香落紅可憐蘇小墓長倚岳王宮

我憶西湖好春宵玩月明疎鐘鄰寺墮殘畫遠山橫語自
花間出人疑鏡裏行中宵沉萬籟珠斗下層城

我憶西湖好佳游最賞心落英紅點屐芳草綠眠琴松葉
山城暗梅花水寺深當年文謫處歷歷在題襟

我憶西湖好人家上塚船塢陰采桑路日暖焙茶天小隊

催傳蠟芳晨話禁烟年年二三月來往六橋邊
我憶西湖好琳宮綠樹春偶來行藥地親見散花人紅袖
談禪夜黃絕入道晨壑菴前夢在回首一微塵

我憶西湖好湖邊學灌園雨鳩啼屋角晴蜨繞籬根桑葉
綠連舍菜花黃滿村於陵家仲子高韻至今存

我憶西湖好桃花隔水扉綠陰移釣艇紅片點蓑衣射鴨
聊忘世盟鷗本息機漁莊偕隱處雙槩幾時歸

萬竹滂雲虛堂澄水壁間懸畫梅三幀並蒼古疎逸
末一幀尤奇妙歎曰王珉旁一人檢太白集示余曰
此李太白弟子方諦視聞鄰寺鐘聲而覺則夢也賦
古詩一章寫之並寄松壺子嵩陽

千點冰華萬橫玉枝枝寒蝕莓苔綠如雲如月如飛仙斜
映空庭隔修竹竹陰入畫痕參差畫筆頗似楊補之其一
曼香滃春霽識是吾友松壺之所爲就中一幀尤奇絕百
道龍蛇互蟠結淋漓大字署王珉珉者爲誰吾不識金粟
如來弟子行一卷新詩緙太白未見之書亡是公招隱蓬
池無此客萬竿烟雨圍虛廊我思湖上營草堂堂中畫梅
三四幀一如夢境心清涼堂亦不可成畫亦不可得不如
還作夢中游青天夜夜梅花月

哭曼兄

嗚呼斯人有斯疾天意蒼茫那可必海內浮名說二陳王
樹長埋隕其一蒼茫人海雙流蘋合併蹤跡淮南門五松

居士篆法好吟館殷勤題曼雲蛟螭文筆齊奔放曼雲恰
在西湖上兄是南峯弟北峯兩山終古長無恙君擅書法
師鍾王我亦詩格追齊梁太邱家世溯流派季方未敢齊
元方與君少年同里閭小齋會食陳書案曉風春柳玩湖
隄夜月秋潮聽江岸與君問字來琅嬛香凝畫戟飄爐烟
我飛檄草翦官燭君籌滄海登樓船與君遠遊客京邸天
涯同索長安米短札方吟水部詩盛名先達山公敢與君
宦跡同江南駑駘驥駉齊驥驂畫判案牘決疑獄夜接賓
客恣清談萬間廣厦萬丈裘士林爭識韓荊州宦遊江上
更河上宣房歲歲勞防秋去年我向邗江住君亦全家寄
淮浦淮水東流直到江思君不見空雲樹聞道經年卧病

餘暫辭羈宦賦閒居空求却疾三年艾那得延年九節蒲
吳船振舵重相見烟霞鋤疾深顏面茱萸灣口送君行小
極更番聞小間今年我學病維摩劉秩知非曳落河豈料
鴿原先我逝淋浪春雨共滂沱更生我幸還如故白雲黃
鶴君歸去孤山西去葛嶺東與君有約移家處書畫詩文
萬口傳蟲魚金石費雕鐫中郎枕秘珍藏在篋衍都應壽
百年孤寒太息知交慟原嘗節概人爭重五絕方傳虞世
南一家空說蘇和仲對此茫茫我欲愁年來感逝惜應劉
人天待証三生石姓氏先題百尺樓